

## **ZAPISNIK S DRUGE REDOVNE SJEDNICE VIJEĆA RODITELJA JU TREĆE GIMNAZIJE U ŠKOLSKOJ 2022/23. GODINI**

Druga sjednica Vijeća roditelja održana je u utorak, 15. 11. 2022. godine, s početkom u 17.30 sati u školskoj učionici.

Uvidom u spisak prisutnih roditelja konstatovano je da sastanku prisustvuju 19 članova Vijeća roditelja Treće gimnazije, direktorica gđa. Amra Čolić, pomoćnica direktorice gđa. Meliha Salihović.

Drugoj redovnoj sjednici Vijeća roditelja nije prisustvovalo 5 članova, predstavnik I 2 Emina Selmanović, III 4 Kenan Čaklovića, IV 1 Nusret Mujezinović, IV 2 Džafer Zeba i predstavnik IV 4 Daniela Zubović, koji su prethodno opravdali svoje odsustvo.

Broj prisutnih članova zadovoljava kvorum za odlučivanje.

Predložen je sljedeći dnevni red, koji je članovima Vijeća roditelja prethodno dostavljen putem elektronske pošte:

1. Usvajanje zapisnika sa konstituirajuće sjednice Vijeća roditelja
2. Program rada Vijeća roditelja JU Treća gimnazija za školsku 2022/2023. godinu
3. Inicijativa sačinjavanja Protokola saradnje i komunikacije roditelja sa školom
4. Pristup e-dnevniku (gđa Amra Čolić, direktorica)
5. Saglasnost za učestvovanje u Koordinaciji Vijeća roditelja Novo Sarajevo
6. Razmatranje pitanja visine školarine (gđin Ahmed Hadžić)
7. Izbor članova Vijeća roditelja za učestvovanje u školskoj manifestaciji „Decembarski dani kulture“
8. Izvještaj o rezultatima uspjeha učenika u učenju i vladanju nakon I polugodišta (gđa. Amra Čolić, direktorica)
9. Izbor Komisije za ekskurziju – 2. člana
10. Informacija o realizovanoj ekskurziji (oktobar 2022. godine)
11. Tekuća pitanja

Predloženi dnevni red je jednoglasno usvojen.

### **Ad/1**

Sjednicu je otvorio Predsjednik VR gđin Hasan Pleh i poželio uspješan rad predstavnicima roditelja u Vijeću roditelja Treće gimnazije. Zapisnik sa konstituirajuće sjednice Vijeća roditelja JU Treća gimnazija usvojen je jednoglasno sa 19 glasova, uz zaključak da se ubuduće dostavlja u formi informacije na prvoj narednoj sjednici.

### **Ad/2**

Prijedlog plana aktivnosti Vijeća roditelja za školsku 2022/2023 godinu, koji je dostavljen putem elektronske pošte, u uvodnom izlaganju predstavio Predsjednik VR gđin Hasan Pleh. Gđa. Snježana Brkić se obratila prisutnima i pojasnila da se postojeći Program rada Vijeća roditelja treba dopuniti radom u komisijama i radnim tijelima, ubaciti redovno izvještavanje o uspjehu i vladanju, poboljšati saradnju sa Vijećem učenika naše škole, kroz redovnu

komunikaciju rukovodstva Vijeća roditelja sa rukovodstvom Vijeća učenika u cilju aktivne saradnje ovih vijeća, te većeg doprinosa roditelja aktivnostima Vijeća učenika. te podnošenjem Izvještaja za prethodnu školsku godinu. Svi članovi Vijeća su jednoglasno prihvatili ovaj prijedlog, uz konstataciju da je u prvobitnom izjašnjavanju bilo 17 članova za dostavljeni Program rada VR za 2022/2023 godinu, 1 suzdržan i jedan protiv.

#### **Ad/3**

Predsjednik VR gđin Hasan Pleh, pozvao je prisutne da iznesu svoje prijedloge za sačinjavanje Protokola saradnje i komunikacije roditelja sa školom. Otvorena je rasprava u koju su se uključili gđa Aida Aganović, gđa Snježana Brkić, gđa Alzira Hota, gđin Izet Turković, gđin Murčo Obučina. Svi učesnici u raspravi su bili jedinstveni da se krene u izmjene i dopune postojećeg Protokola o saradnji, te je predloženo da se formira Komisija za izradu novog Protokola. To radno tijelo bi bilo sačinjeno od pet članova, od kojih bi tri bila iz reda Vijeća roditelja, a dva iz predstavnika škole. Ispred Vijeća roditelja predložene su Aida Aganović, Snježana Brkić i Alzira Hota. Svi članovi Vijeća su jednoglasno prihvatili ovaj prijedlog.

#### **Ad/4**

Direktorica se obratila prisutnima i dala informaciju vezanu za temu pristupa e-dnevniku i problemima na koje učenici, pa i njihovi roditelji nailaze. Ukazano je i na zloupotrebu i neprimjereno korištenje lozinki za registraciju (od strane nekih učenika), pri čemu je dolazilo do namjerne blokade pri samoj registraciji na e-dnevnik.

Donesen je zaključak da razrednici daju pristupne kodove roditeljima, uz naglasak da prva registracija korisnika bude sa računara, a ne sa mobilnih telefona. Isti je jednoglasno usvojen.

#### **Ad/5**

Predsjednik VR gđin Hasan Pleh, dao je uvodne informacije vezane za davanje saglasnosti za učestvovanje u Koordinaciji Vijeća roditelja Novo Sarajevo. Nije bilo posebne diskusije i svi članovi Vijeća su jednoglasno prihvatili ovakav prijedlog.

#### **Ad/6**

Na inicijativu zamjenika predsjednika gđina Ahmeda Hadžića o razmatranju pitanja visine participacije, odnosno izdvajanja participacije roditelja u minimalnim učeničkim troškovima u toku školske godine, ista je stavljena na raspravu. Direktorica Škole je informisala gđina Hadžića da je iznos utvrđen na V sjednici Vijeća roditelja koja je održana 02.06.2022. godine. Također, informisala je VR o iskorištenosti sredstava koja su prikupljena u okviru participacije roditelja u minimalnim učeničkim troškovima za ovu školsku godinu. Kad je u pitanju iznos participacije roditelja u minimalnim učeničkim troškovima za narednu školsku 2022/2023. godinu, VR je bilo stava da ostane isti tj. u iznosu od 60,00 KM

#### **Ad/7**

Direktorica Amra Čolić informisala je roditelje o tradicionalnoj školskoj manifestaciji „Decembarski dani kulture“ koji se održavaju početkom decembra, na kojima učenici pokazuju kreativnost u pripremi i izvedbi kratkih predstava. Ispred VR za članove žirija „Decembarskih dana kulture“, izabrani su:

I razredi – Emina Selmanović I2

II razredi – Nedžad Sudić II2

**Ad/8**

Direktorica, gđa. Amra Čolić, upoznala je Vijeće roditelja s Izvještajem o uspjehu u učenju i vladanju na kraju prvog polugodišta kroz Analizu uspjeha u učenju i vladanju na kraju I polugodišta. Školu pohađa 574 učenika, od toga je 328 djevojaka i 246 mladića. Na sjednici NV utvrđeno je da je frekvencija ocjenjivanja zadovoljavajuća u skladu sa sedmičnim brojem sati, te da su učenici ocjenjeni osim tri učenika koji su bili ili su i dalje na bolničkom liječenju. Učenici su u proteklom periodu napravili 6643 izostanka od čega je 6397 opravdanih i 246 neopravdanih izostanaka.

- Prvi razred pohađa 142 učenika koji su u proteklom periodu napravili 999 izostanaka od čega je 975 opravdanih i 24 neopravdana izostanka.

Najmanji broj izostanaka ima odjeljenje I-4 ( 90 izostanaka) razrednice Irme Nekić Suljagić.

Od 142 učenika, njih 139 ima primjerno vladanje i 3 učenika prvih razreda imaju vrlo dobro vladanje.

- Drugi razred pohađa 149 učenika koji su u proteklom periodu napravili 1953 izostanka, od toga je 1929 opravdanih i 24 neopravdana izostanka .

Najmanji broj izostanaka ima odjeljenje II-1 (230) razrednice Senade Turajlić.

Od 149 učenika njih 148 ima primjerno vladanje i 1 učenik ima vrlo dobro vladanje.

- Treći razred pohađa 142 učenika koji su u proteklom periodu napravili 1500 izostanaka od čega je 1454 opravdana i 46 neopravdanih izostanaka.

Najmanji broj izostanaka ima odjeljenje III-4 (163) razrednice Erne Mujić.

Svih 142 učenika imaju primjerno vladanje.

- Četvrti razred pohađa 141 učenik koji su u proteklom periodu napravili 2191 izostanak, od toga je 2039 opravdanih i 152 neopravdana izostanka.

Najmanji broj izostanaka ima odjeljenje IV-4 (286) razrednika Maličević Mevludina.

Od 141 učenika četvrtih razreda njih 135 ima primjerno vladanje, 3 učenika imaju vrlo dobro vladanje, 2 učenika imaju dobro vladanje i 1 učenik ima zadovoljava vladanje.

**Ad/9**

Direktorica škole dala je potrebne informacije Vijeću roditelja vezane s izborom predstavnika VR u Komisiju za ekskurziju – 2. člana. Pošto su bila potrebna dva predstavnika roditelja III razreda, predloženi su Armina Puzić iz III2 i Mirza Terzo iz III6. Nije bilo posebne diskusije i svi članovi Vijeća su jednoglasno prihvatili ovakav prijedlog.

**Ad/10**

Direktorica Škole je upoznala roditelje sa informacijom o aktivnostima vezanim za maturantsku ekskurziju. U skladu sa trenutnim aktima Ministarstva, maturantska ekskurzija za četvrti razrede može se organizovati u Bosni i Hercegovini, te je u skladu sa tim provedena anketa među maturantima Škole. Prema rezultatima ankete, učenici za istu nisu bili zainteresovani, a obzirom na procedure i vremenski period potreban za organizaciju i pripremu ekskurzije, istakla je da bi bilo dobro da se pokrene aktivnost vezano za organizovanje maturantske ekskurzije sadašnjih trećih razreda što prije. Zaključak je da se sredstva, prikupljena tokom akcije "Naših ruku djela" u iznosu od 600 KM, opet usmjere u fond za ekskurziju.

**Ad/11**

Pod tačkom razno bila su tri pitanja i jedan zaključak.

\*Prvo se odnosilo na razmjenu učenika (DSD program) sa učenicima iz Češke (Prag) i neophodnost da se iznađu sredstva za odlazak učenika u Prag, koje je predložila predstavica IV 6 Tatjana Kapetanović. U raspravu su se uključili i drugi roditelji sa svojim prijedlozima i idejama da se aplicira prema institucijama kao što su GIZ, Ambasada Češke Republike i drugi. Kad su u pitanju učenici sa područja Općine Novo Sarajevo, isti mogu aplicirati na grant sredstva za mobilnost mladih. Gđa Tatjana Kapetanović je rekla da se čeka konačan iznos tih troškova, te da će blagovremeno obavijestiti ostale članove VR.

\*Na drugo pitanje koje se odnosilo na uređenje vanjskih terena, odgovor je dala direktorica Čolić, koja je roditelje upoznala sa aktivnostima koje se realizuju u saradnji sa Općinom Novo Sarajevo, prije svega na sanaciji postojećih terena u dvorištu škole.

\*Na upit predstavnika II 2 odjeljenja g.Nedžada Sudića, g. Murčo Obućina dao je prijedlog da se Škola obrati razvojnoj agenciji SERDA, te da u okviru tekućeg projekta razvojne agencije besplatno obezbijedi solarni panel za punjenje romobila ispred škole;

\*Zaključak VR: Da se u određenom roku (10 ili 15 dana), članovima VR dostavi sažetak sa zaključcima sa sjednice, da se ne čeka zapisnik, jer to može potrajati, a informacije se moraju prenijeti roditeljima odjeljenja u međuvremenu.

Prva redovna sjednica Vijeća roditelja završena je u 19.15 sati.

Informaciju (Zapisnik) s Druge sjednice  
sastavio Bolend Bišćević, sekretar Vijeća roditelja

Informaciju (Zapisnik) ovjerio  
gđin Hasan Pleh, predsjednik Vijeća roditelja